

**BOSNA I HERCEGOVINA
FEDERACIJA BOSNE I HERCEGOVINE
KOMISIJA ZA VRIJEDNOSNE PAPIRE
FEDERACIJE BOSNE I HERCEGOVINE**

**OGLAS
O STRU NIM ISPITIMA**

Na osnovu član 10. tačka 9 i član 11. tačka 13. Zakona o Komisiji za vrijednosne papire ("Službene novine Federacije BiH", broj 39/98; 36/99; 33/04; 92/13 i 06/17), član 103. Zakona o tržištu vrijednosnih papira ("Službene novine Federacije BiH", broj 85/08; 109/12; 86/15 i 25/17) i član 34. Pravilnika o ovlaštenim učesnicima na tržištu vrijednosnih papira ("Službene novine Federacije BiH", broj 31/09; 73/09; 66/11; 87/12; 46/13; 36/14 i 96/15), Komisija za vrijednosne papire Federacije BiH **objavljuje oglas** za polaganje ispita za sticanje zvanja brokera i za sticanje zvanja investicijskog savjetnika/investicijskog menadžera na tržištu vrijednosnih papira u Federaciji BiH.

Ispiti za sticanje zvanja **brokera** i za sticanje zvanja **investicijskog savjetnika / investicijskog menadžera** će biti organizirani dana **28.03.2018. godine u 10.00 sati**. Pomenuti ispiti će se organizirati u prostorijama Komisije za vrijednosne papire Federacije BiH, u Sarajevu, bimaluša br.9/2.

Kandidati su dužni podnijeti pismenu prijavu za polaganje stručnog ispita, na obrascu koji je propisala Komisija, najkasnije **do 26.03.2018.godine**.

U skladu sa članom 37. Pravilnika o ovlaštenim učesnicima na tržištu vrijednosnih papira, stručnom ispitu za sticanje zvanja investicijskog savjetovanja / investicijskog menadžera mogu pristupiti i kandidati koji, pored ostalih propisanih uslova, posjeduju uvjerenje Komisije za vrijednosne papire Federacije Bosne i Hercegovine ili Komisije za hartije od vrijednosti Republike Srpske o položenom stručnom ispitu za brokera u prometu vrijednosnih papira.

Za polaganje, shodno Odluci o tarifi naknada («Službene novine Federacije BiH», broj 31/13; 48/14; 60/14; 22/16 i 54/17), kandidati koji pristupaju polaganju stručnog ispita za sticanje zvanja **brokera** dužni su uplatiti naknadu u iznosu od **800,00 KM**. Kandidati su dužni uplatiti naknadu u iznosu od **1.500,00 KM**, za polaganje stručnog ispita za sticanje zvanja **investicijskog savjetnika / investicijskog menadžera**. Kandidati **koji imaju položen stručni ispit za zvanje brokera** dužni su uplatiti naknadu u iznosu od **500,00 KM**.

Sve dodatne informacije, kao i konsultacije u vezi sa stručnim ispitima mogu se dobiti u Komisiji za vrijednosne papire Federacije BiH, bimaluša 9/2, Sarajevo, odnosno na telefon (033) 203 844, 203 902, 211 655 i/ili na e-mail: info@komvp.gov.ba.